

Kico ta Bullying cybernetic?

Bullying cybernetic ta encera e termento cu ta wordo hasi door di internet, na unda ta wordo uza medio di comunicacion, manera email, rednan social, blog, mensahe di texto, cellular, pa asina molestia of intimida, agredi psicologicamente e victima. E termento no ta un tema nobo, pero danki na e hobennan cu tin acceso na e internet di unda cu ta, awo e victima ta wordo intimida na su mesun cas. Ora cu e termento ta yega na bo cas, ta hasi cu e victima ta sinti indefenso dilanti di e situacion. Ehempel: Ora ta wordo crea un perfil falso, y ta uza e nomber original di e victima, cu su potret, informacion personal. Esaki ta hasi cu e victima ta cuminsa haya email hopi straño di personanan cu ta kere cu e perfil ta di berdad, algun di e mensahenan por ta ofensivo y

hopi biaha di menaza. Tambe por hasi mescos cu ta e victima den foronan, chat y ta skirbi mensahenan ofensivo. Ora e victima cuminsa haya mensahenan via email cu ta ofende, y menaza su persona, tur e mensahenan aki ta anonimo. Tambe tin esun cu ta skirbi e email di e victima na diferente caminda riba internet, pa asina e persona aki bira e victima di spam y email di personanan desconoci. Otro cu bo por topa cune ta ora nan cuminsa subi riba internet potretnan di e persona cu ta real of ta fotomontahe, cu ta comprometedor di e victima. Tambe ta haya ora nan ta drenta den bo rednan social manera coreo, facebook, twitter, sin cu bo a duna bo permiso y nan ta cambia bo password. Asina ta, hobennan paga tino y no laga boso wordo intimida.